

書
林
外
集
下

涵芬樓
秘
笈
第
五
集



涵芬樓祕笈第五集五種八冊一函

民國七年
七月印行

此書皆搜羅祕本依現行著作權例註冊
立案得有著作權上海商務印書館一家
印行發兌如有翻刻千里必究謹此預白

每集定價白紙二元五角

黃紙二元

商 務 印 書 館 發 行

消 閒 妙 品



遣 愁 集

八册 一元二角

清初張貴勝輯。內分五十一門。蒐幽錄異。雋永風流。無聊中閱之。可以消遣。沉憂中閱之。可以遣愁。為稗海中之奇書也。

虞 初 新 誌

一册 三角

清初張山來選虞初新志。久已膾炙人口。無待贅言。舊版既亡。坊刻皆不足據。本館覓得初印足本。精印行世。

虞 初 續 誌

一册 二角

續虞初新志者多矣。終以鄭玉纏之十卷本為當行。而傳本極少。本館既重印虞初新志。復以續志校刊。成為合璧。

香 祖 筆 記

一册 二角

王漁洋為一代詩家正宗。出其緒餘。撰為筆記。此香祖筆記。乃諸種之一。宋牧仲稱其師法古興會佳。非他種筆記可及。

嘯 亭 雜 錄

一册 四角

清代私家筆記。涉及朝章國故者極少。禮親王所著嘯亭雜錄。多記當時制度人物。與他種筆記鈔錄。脾販者迥乎不同。

書林外集卷之四

七言律詩

和邵彥方隱士招予及起文張先生德陽陸
先生養吾柴先生韻

諸老同游憫我心醉來能畫亦能吟
春風載酒野艇小夜雨落花溪水深
晉代衣冠今復見淮夷兵燹已銷沉
此時莫負登山約谷口黃鸝轉綠陰

和温州張天秩先生

聞君鴈蕩舊家聲一片襟懷似水清
自向柴荆分別去不知莫羨幾番更
安成氣象翰前輩時樣文章壓

後生幾欲題詩酌
夙債自慙接筆以難成

和元善舍人韻自述

袞々流年急似瀧
無情老我讀書牕
半生詩病苦難
改盡日睡魔愁未降
茶煖碧花浮玉盞
燈寒朱燼落
銀釭東鄰公子應
相咲白首窮經困一邦

和胡四叔韻

宦情猶記客東嘉
一舸秋濤似泛槎
儒術世間何取
用皇威海內更無加
江淮烽火連千里
妻子杯盤存
幾家未得并州近
消息孤牕夜人積
燈花

和天民

雪夜何人泛剡谿爭如乘興入招提對君燈下一宵
話洗我胸中萬斛泥談笑正須忘尔汝杖藜那復又
東西何時握手東湖上醉抱芳尊盡日携

和僧中巖題東隱菴

咿嚶籃輿路數程小溪清淺石橋橫謝公山在暮雲
合魏相宅荒春草生人讀斷碑尋墜緒僧題危閣寄
幽情巋然愛此東菴勝吏部家聲獨再興

和王從素感時

十載中原未解兵生民逃難散如萍移家楚峽憐山
淺飲馬淮河厭水腥壯士守邊頭盡白老夫憂國淚

交零何時四海還歸一使我王心喜再寧

壽鍾氏寫喜容

梅林積雨曉晴初一片笙歌擁月湖堂上歡開仙母
宴人間寫作壽星圖日斜衆客簪花醉春暖嬌兒戲
綵娛此會明年看更好抱孫出現掌中珠

壽楊夫人

細雨園林梅半黃霜飛白簡夏猶涼謝家寶樹雲霄
聳玉母蟠桃日月長龍管鳳絲鳴綺席玳簪珠履擁
華堂皇恩曾贈金花誥還許吟詩獻壽觴

送張月卿 四首

聖治方今正右文爛柯遺逸未輸君教勤花縣書成
績名上薇垣喜策勲客夢迢迢蓬島月鄉心渺渺穀
江雲玉堂好問東君信春到梅花已幾分

先生讀書自姑蔑學優命作東郭師人才三載在陶
冶世教百里賡扶持鸕魚堂上講經處瀉瀉灘頭倚
杖時多少棠陰手親植使人別後長相思

束書負劔過東瀛又見三年政已成斯道莫嫌無厚
俗冷官應喜得清名江城春暖梅花早驛路霜晴馬
足輕聞說鷄鳴山下客爭迎衣錦老書生

草書張旭晉風流千載雲孫學更優正喜簷花動清

酌可堪津樹拂離舟
秋山鶴料應新熟
春水龍門記
舊游去々青冥方直上
不才能勿愧淹留

和松石舍人秋夜不寐

拋書欲卧意遲々
坐聽秋聲思慘悽
螢火獨飛侵幔
小星河斜落壓城低
牙籌歷々隨更轉
磷鬼啾々隔水啼
更為挑燈移近榻
與僧相對話曹溪

簡金景淵營呂鍊師壽巖

峰回路轉小亭危
此地仙翁卜取歸
兩岸平開山似畫
一橋橫鎖水如圍
雲深老鶴歸華表
天近杓星下
翠微寄語隴頭賢
執事仙翁意象莫相違

題范氏幽居次韻

尋幽躋勝事無涯風景渾饒富貴家
雨過南堦閑種明月行東閣
醉看花執經才子眉偏白倚杖吟翁髮
半華堪羨市居幽趣足相逢幾度款茶瓜

和詠奉化夏氏幽居

山居住趣以應知對景閑吟邊遣興詩
烟鎖林霏深翡翠月明溪影漾琉璃
芹塘水暖栽魚早花徑泥香歸燕遲
客到不談時俗事青燈夜坐共敲棋

和劉德彛病中傷春

君家陰德更誰何一疾那憂髮易皤
得句定應神物

護校書曾感老人過山中勝事闕吟興湖上春聲入
掉歌快理酒壺推藥累韶華過眼苦無多

和大章珪上人見寄

三絕文才古所難一樽何日共清歡衆生未識維摩
病交舊多怜范叔寒日落林塘閑理棹雪晴山閣獨
凭欄別來聞說吟懷好颯々清風生筆端

和綺無文上人湖亭吟

湖亭新創逼青峰游客登臨興不窮展席水邊風澹
澹推篷柳下雨瀧々晝閒僧鉢依簷洗夜靜漁燈隔
岸紅明日天晴看更好剩收詩句錦囊中

和高嘯雲述懷

長街步月夜忘歸猶記當年握手時
行處尚多沽酒債別來誰辦買山貲
身榮不藉溫兼飽道富何憂貧
與羸喬木朱門今有幾誰能聞禮又聞詩

壽菊友鄉長

聲華久矣破天荒六十年來鬢未蒼
却似黃花開晚節獨於老圃占秋光
宦途游歷風霜久帝闈新承雨露香
看取綈袍新換綠福基彌厚壽弥長

錢養元請雨有感

混然一氣寸心胎自覺身中造化該
拂劍壇前飛迅

電躡置脚底起奔雷檄隨神運騰雲上蛇作龍歸送
雨來為問玄功應何捷久緣姓字在丹臺

題孫如心為宮教歿後十載繆生仲玉以子

繼其子之

羨君高義古來稀白首相逢話別離可但渭陽相送
處更無魯泮復歸時昔年衛玠能知我蚤世顏回繼
者誰肯把故林丹桂子秋風借與發孫枝

壽呂瀛海

九夏平分日正長老人星現耿清堂我方而立足先
弱公到者稀顏未蒼水近夜涼風罷扇酒闌人散月

侵林遙知此樂人間少絕勝當時醉岳陽

寓鄰館

十年客路謾驅馳半老歸來遜較肥
旁舍竹松含晚翠隔村桑梓帶春暉
天清會見鸞冲舉風逆休論鷁退飛
湖海故人如有問讀書燈火近親闈

代族上邑宰

周召謀猷李杜才甘棠在六手親栽
聲名盡向清廉得政事還從學問來
化俗獨先明禮義治民尤重禁姦回
鄙人有幸懼冤對生死全憑化筆裁

和温州林德美表兄汪謙之鄞庠借齋

彈鋏江湖今幾秋，曾聞琢玉巧於鏤。文章不露非凡
士子弟相過，揔貴游鄆水，故家何寂寞。謝池遺韻尚
風流，廣文得此真聯璧。美譽誇揚滿道周。

上劉天守素俸

五馬脩^上過浙東人，知父母仰仁風。事如絲棼獨能
理，心比鏡明真是公。宿案詳看情莫隱，沉寃一洗獄
應空。覆盆祇有鄆庠是，月廩封藏士阮窮。

挽錢宗道

嗟予蹤跡似浮萍，歲晏湖山哭友朋。母在獨怜悲白
髮，子孤誰念泣青燈。荒烟客路愁如織，淡月書床冷

欲冰生死判然真一夢
淚珠滴盡痛難勝

贈史信叟

聞君力學幾窮年
斗酒端能賦百篇
家乘手編期繼志
道書自註欲希仙
晝涼醉坐松邊石
月落閑調膝上絃
聞說梅湖風景好
何時携酒到吟邊

挽清河郡張孺人

富壽兼隆德更優
人間甲子已云周
從夫及爵生無忝
得子能家死不憂
東閣梅花深耐冷
北堂萱草忽驚秋
嗟予久與兒郎舊
淚洒東風恨莫收

大隱洪君瑞歿雲溪復講主神運至道宮煉

性存脩道果曰作三韻贊之

哲人云逝子孫哀善果重六日與培高士日邊飛鳥
下名僧雲裏渡溪來群仙樂奏天壇啓五老筇敲地
戶開料得東屏乘薦引定應飛步上丹臺

草堂詩句逼人寒山屐經過幾百年仙迹尚餘春藥
曰野翁曾覓煉丹泉門扃老樹巔崖裏碑臥荒村夕
照邊廟食人間知幾六才名誰似我公賢

祠下松杉結夏寒祠中像設坐森然西堂夢後詩偏
好大隱來時屐已穿石老庭墀春藥向井寒壠下鍊
丹泉卜隣豈特為揚子覽勝猶曾見葛仙

郡監請龍得雨

師帥頭顱雪作堆連朝禱雨走炎埃苦憂農野新秋
旱力扣龍宮昨夜開洶々黑風吹海立脩々銀漢下
天來何當借此作霖手洗淨甲兵真快哉

松石齋携遊東湖聞警急而回

載酒相邀湖上遊湖山擬作幾宵留不知邊報還多
事驚起客懷無限愁推枕五更瞻北斗放舟萬里順
東流歸來城郭春將晚依舊青山繞郡樓

蒙泉高錢月夜見訪索詩遂即席以賦

廣文踏月來相訪應見高情念故人坐久不知燒燭

書林外集卷四
八
短醉來惟覺索茶頻
十年客去青山在
半夜詩成白髮新
歲晚相逢莫相笑
老梅已報玉堂春

望春山送吳孟倫

列岫層巒翠欲流
杖藜時見地仙遊
龍王祠下半溪雨
鶯脰湖中萬頃秋
蓬島遠分山左股
桃源近出水西頭
君行欲望春何處
紅紫依還滿帝州

水村晚霽

澤國初晴景物幽
水光倒浸一天秋
風生萬浦寒潮長
虹截半江殘雨收
鴈陣翻飛投別渚
漁歌杳杳唱歸舟
我來送目斜陽外
倚倦危樓去復留

迎劉君忠佑武烈公

晉朝封贈漢英雄六月神遊甬水東黃蓋頂翻金孔
雀赭袍肩護綉螭龍涼宵迓鼓歸深蒼零曉標旗
龜半空愧我書生無所禱瓣香三祝效華封

過高錢探子章及禪寂詠心源不值

載酒東湖歲已闌擬同朋舊醉開顏長鬚吟客近入
郭多病老禪纔出山霞嶼寺連寒水遠月波樓鎖暮
雲閑停舟自對梅花酌雪壓孤篷夜未還

大隱醉中譚朋復心禁酒

長命山頭月正圓主人要我酌花前好懷未有如今

書林外集卷四
夕痛飲何妨同少年溪上呼來鵝似雪林間劖得笋
如拳人生有酒應須醉咲殺雲溪一老禪

鄞之青山乃衣冠文物之地潛齋劉公寔居
是焉僕徃歲與象山樊公天民長燈卓公
宜之皆嘗讀書於斯暇日潛齋與吾二三
子徜徉山水間以詩酒自娛如此者十有
餘年後僕回里諸公亦漸散處近云此地
為鬱攸所廢良可嘆也茲聞潛齋宅甬東
去僕書舍不遠回述舊懷寄之

彈鋏歸來感舊遊天涯何處話離愁青山有分長為

客白髮無情忽上頭冠蓋盡隨雲影散樓臺近逐電
光收聞君近卜江邊宅仍許閑情共白鷗

順菴真人

海上文章第一仙羽衣猶染御爐烟少隨鹵簿長安
道世隱蓬萊小洞天琪樹影邊丹竈在碧桃枝上玉
壺懸城南別有消閑地賸種靈芝足引年

呈憲使

登歷天台復四明遠來海郡活蒼生隨車雨驟息波
濤貫索星稀訟獄清榮被綉衣彰寵異堅持玉節表
忠貞九重宵旰思賢輔頭展經綸佐太平

樊寓齋并劉子明二掾並寓天寧寺

劉君飽學年初盛
樊老能文髮半斑
客路相逢連兩
裏僧房分住片
雲間庭梧影落
空階淨池藕香
飄曲檻閑應有
夜涼新得句莫
目珠玉為吾慳

次韻

仙骨未如藍采和
滿懷愁思惱人多
孫恩尚敢施妖
計王武終當奏
凱歌午酌沽來
新店酒春衣疊
損舊宮羅一年
心事干戈裏此
日光陰豈易過

病中謝陳廓架閣

子月初春暖不禁
客中忽尔病相
侵貪眠寧覺諸
生

誚問疾重勞長者臨滿架牙籤閑畫永一爐松火擁
更深士窮德色應知易感珮恩私復自今

望樊寓齋請龍過青山祠下

鏡鼓遙聞出翠微懸知禱雨鮑王祠客應覽勝停車
晚龍豈偷安出洞遲白日昇天仙跡在黃沙搏磔鬼
工竒我来欲作追遊伴矯首墻陰立許時

天台周明道寓象山今北上

襟期峭拔不塵凡一曲瑤琴對月彈覽勝久遊蓬島
上觀光又上五雲端落花流水仙鄉遠瘦馬西風驛
路寒此去功名如唾手歸當拭目重相看

奉寄危應奉太朴併謝書問

西風正馬入皇都事况曾無半日虛
筆正脩前代

史呼燈更草故人書回仙隴畔雲生處
賀監湖頭月上初記得當時舊詩客杖藜曾此共躊躇

江浙儒使王公為本省宰執馳香至明攝祭
天妃以祈盜息

黃閣曾聞有舊知馳香萬里海神祠
時清論學求資治國難分憂為祝釐
兩浙人才多激勵百年世教力扶持
行看回首承平日更草絲綸入鳳池

贈同知高麗人

行春五馬喜聯鑣德望聲馳萬里遙上國光華依日
月中年步武入雲霄珠旗畫戟森仙仗紫綬金章挺
異標贊治黃堂息不少好分餘澤到簞瓢

贈高推官

風月襟懷世莫倫政聲清絕出名門圍扉羅雀文書
靜泮水旂鳶色笑温州縣按臨分枉直城池警駐謹
晨昏筆端一點春無限贖種棠陰及子孫

和黃葵

紅葵一丈一何長那似黃葵異衆芳在野獨能持正
色傾心曾不畏驕陽與芙蓉比全無艷並牡丹來又

改粧可惜傍人籬落久若移禁花更名香

癸卯人日寄金子文

故園花萼藹春輝念尔何時賦式微
萬里獨持蘇武節十年疊換老萊衣
雪晴嶺路梅花發風緊江天鴈字稀
最是倚門人望切庶車共挽莫相違

寄卓宜之山長

少年出處與君俱豈信今吾尚故吾
吟鬚共怜看又老誤身能不愧為儒
人情世上棄如土米價年來貴似珠
滿地風塵曾未息羨君高隱住東湖

寄菊友鄉長

解印歸來一散仙，儒冠道服興悠然。
瑤池醉宴長生日，畫閣新粧小雪天。
坐對閑庭松鬱鬱，人行吟小徑菊
鮮。人曉看仙馭，朝真處，紫極瑤光燭壽筵。

懷倚雲公

故人華髮已六十，深隱湖山水竹居。
行事一生多近古，交情十載只如初。
客來隨分須留飲，孫懶從渠不讀書。
愧我往來渾數人，暑中多日頗相踈。

借韻咏城南書舍呈倚雲樓公

曉倚吟牕曙色開，江頭野趣亦佳哉。
平蕪宿鳥衝烟起，遠浦春帆帶雨來。
閑種石田供鶴料，旋開園沼買

魚我讀書自古城南好擇地多慚吏部才

簡謝蓬隱處士餞餘分餉

乾坤潦倒一癯儒無利無名四十餘年老每為時輩
忌學荒今為故人踈蠹侵殘簡頻剔蟻穴幽畦歛
歛鋤東老祭膳分餉我轉添餘恨感丘墟

題畫李杜騎驢圖

不是相逢飯顆山春遊應共醉長安謫仙回望情何
限野老長吟意自閑戀不能忘宮錦貴悠寧怯布
衣寒東風行樂人多幸千古誰傳入畫間

雨中端午

屈原去我幾經年楚俗淒涼尚可怜
山館淹旬留客雨江鄉五月熟梅
天攀榴隣婦羞拖屐射柳將軍
嬾着鞭念我倚門人望久披蓑去
覓渡頭船

書林外集卷之四

書林外集卷之五

七言律詩

上劉天爵太守

奕奕黃堂海上開，政聲千里奮風雷。
豈無悼屈哀窮念，端有剗繁治劇才。
礮築不煩憂水旱，獄空近欲長蒿萊。
嶺南見說多遺愛，萬樹甘棠手自栽。

上索僉憲

南榜當年第一人，風霜氣節玉精神。
手持白簡坐清曉，身被繡衣朝紫宸。
行處直驚山嶽動，宦居高並斗牛鄰。
東鄣自昔稱多士，早挽斯文一脈春。

上何德孚推官

東昌太守有餘芳，天下清公凜莫當。
家住鳳凰山下久，名題龍虎榜中香。
民心愛似三冬日，吏膽驚如六月霜。
最喜鄰居深巷裏，讀書燈火隔低牆。

上陳縣尹以省太醫起

十載神京覽德輝，從容譚笑動皋夔。
薇垣日近承恩早，花縣春寒出宰遲。
赤水丹山僊境界，銅章墨綬漢威儀。
泮林羣士多凋瘵，養老興賢慰所思。

上董副使

搏霄

威名奕奕起幽燕，少說經綸鎮海堧。
豈但三軍堪作

帥會將八柱可敬于天侯門第一中原冠文武兼資世
德全聞道沙堤新築就堦磬果見出貂蟬

簡潘永中約遊雲濤觀

憐君別我十年餘年少駸駸作丈夫遙想栽花應滿
院定知擲果已填車春風溪上桃千樹夜月船頭酒
一壺見說雲濤纔咫尺相期一去欲何如

簡樊天民

門筵脩然雀可羅西風吹老一庭莎貧中契誼嗟全
薄病裏過存歎幾多岼柳未霜先萎悴澗松欲雪尚
娑娑此懷寄與忘言處一曲瑤琴對月歌

書林外家卷五
二
簡高抗雲史信叟

吾鄉喬木半槎牙
文物如公有幾家
獨喜鷄林詩有價
不愁彭澤酒須賒
半床夜月橫梅影
滿谷秋風落桂花
兩地政堪招我隱
何如咫尺隔天涯

簡雲溪上人

相逢幾度兩浮萍
猶憶禪林策暫停
董子溪頭新水綠
謝公祠下亂山青
照魚鄰叟夜分火
畏虎人家晝掩扃
別後欲題詩遠贈
胡床吟坐月過庭

寄陳公緒

東吳史館

故人一別半年餘
湖上寒深鴈字疎
絳帳宏開三相

府青燈飽讀五車書
春遊野寺酒醒處
夜坐溪橋丹上初
應有錦囊新得句
不妨折簡到吾廬

寄小溪周復禮

書閣閑吟祇自凭
短簾風峭酒微醒
向陽溪岸梅先白
得雨山田麥漸青
老衲倚筇林下寺
野翁待渡水邊亭
寄言歸隱瀟溪客
新歲還來了舊經

寄月湖

有志冲霄附鳳鸞
栖栖肯戀一枝安
閑情自是忘機好
臨事須憐處變難
薦鶡孔融當激烈
騎驢孟老惜蹒跚
恩中怨起非吾願
曾念交游築歲寒

寄友

自笑郎潛鬢已秋，踏槐走馬尚權遊。
筆頭未肯閑風月，劍氣時看射斗牛。
大隱溪南山繞屋，新塘路北水
平疇。白雲飛處人知我，何日歸來話舊遊。

寄僧闍大猷

文猷高燒舍衛城，十年湖海只聞名。
出家已覺分儒墨，對坐誰知屬弟^兒。
孤鷹離羣雲外宿，慈烏及哺樹
頭鳴。從今識破生前事，來往能無骨肉情。

辛丑寄松石公

兩餘天氣正清和，公子宮衣試薄羅。
與我論詩今已

倦呼童送酒日相過五更問寢聽鷄早三月脩書寄
鷹多應咲黔驢無別技胸中英氣柰如何

戊寅正月二十日大風

東風昨夜尚彌寒轉蕙條枝信杳然山捲松濤聲過
嶺海翻鯨穴浪滔天怒將拔木人爭畏狂欲掀茅我
獨怜曉倚闌干倍惆悵落梅無數滿階前

秋日有感

去年今日武林遊戰罷文場汎客舟斜日半江楓葉
晚西風兩岼蒹葭秋呈親草卷舒還捲遣興新詩唱
復酬最憶南湖湖上寺相期一去復何由

丙戌復館東湖

故交招隱意何勤
彈鋏重來客舍新
遺子自緣難責
善卜鄰偏喜得依仁
屋頭山近真堪畫
竹外風清亦可人
寄語當年舊吟社
杖藜毋惜往來頻

歲暮辭金氏館

彈鋏東來四載疆
荷君相敬亦相忘
梅花夜月山窓好
桂子秋風客路長
虛席不妨招俊傑
好書還為誨
兒郎明年簪盞知
何處短笛扁舟出柳塘

寒食過東錢湖

儘說西湖足勝遊
東湖誰信更清幽
一百五日客舟

過七十二溪春水流白鳥影邊霞嶼寺翠微深處月
波樓天然景物誰能狀千古詩人咏不休

癸卯元日至人日喜晴稱諸友賀歲賦此以

謝

曉起梅簷鵲數聲風光滿眼快人情百年無此歲華
好七日總看天氣晴多謝友朋存古道遠勞杖屨作
村行往來應為斯文賀禮樂于今近太平

元夕偶成

晚來村路喜初晴吟策閑尋舊友朋天上此時還有
月市中今夜更無燈遺風莫訝唐朝盛大將重扶漢

室興遙想五雲門外路
鰲山星拱最高層

公委為義田庄履畝錄呈郡監公

水村山野踏煙蕪
宿孤蓬日已晡
心對老天無愧
忤身親實地
着工夫
細詢鮐背愁
難報旁考魚鱗喜
有圖欲擬使君成
義事肯辭力疾在窮途

舊牘二十三日過密巖訪邵彦方彦弘

老我郎潛愧此身
十年蹤跡走紅塵
天寒田野詢黎
老雪霽溪山訪故人
巖上題詩沾袖黑
梅邊索笑下車頻
此行已遂清遊興
明日江城又早春

元夕前踏田過桃源市宿史鞠坡書齋

踏盡烟蕪公事閒故人留我一盤桓
艤舟別岸日將暮借榻小齋春正寒
濁酒敲門橋外買新詩秉燭壁中看
明朝客路又相別洛社何年得盡歡

重午感懷呈監郡公

義庄凋弊幾經春老我書生力任真
增重官租農叟怨減輕祭禮子孫嗔
效忠自覺丹心苦告老應怜白髮新
讀罷離騷重感歎古來難着獨醒人

丁酉三月四日夜夢先師靜山蔣先生

痛別先師幾廿載恩隨心在豈能灰
遊魂為變知何在教思無窮入夢來
荷葉池頭扶杖立杏花壇下抱

琴回分明記得當時事枕上追思淚滿腮

戊戌十一月十九日過高錢舊館宿金子亭

書樓古錢宅夜飲

客樓昨夜東風急村逕今朝宿雨乾馬上看山晴更好人間行路古來難官橋柳眼先春意故苑梅花自歲寒別久情懷要傾倒醉來狼藉任杯盤

九日後有感

滿城風雨重陽後客况凄然歎薄遊白酒黃花非舊日烏巾素髮是今秋時艱開口難成笑事往驚心轉覺愁無復山東有兄弟鴈聲莫遣過南樓

丙申歲

華髮駸駸五十餘此生那見此艱虞人情世上棄如
土米價年來貴似珠近海更無鮮可食滿城謾說酒
堪沽等閒又過花時節誰解東家借蹇驢

中秋招友人同酌

幾年不倚庾公樓譚笑誰能記舊遊人自參商艱會
面月因風雨久埋頭愁雲莫問何時散樂事無過一
醉休聞說東屏有佳約諸公還肯過吾不

四月八日尹博帥掾沙公及順菴仙監相會
于倚雲書屋同文字飲終日酒邊偶得一

詩發音博一笑

南榜聞君第一名少年氣節凜冰清眼空藝苑三千
士手握邊關十萬兵神馬雄姿生間世驪珠光價動
連城酒邊幾度曾相名似與斯文有故情

仲春望後餞仁仲樓君之光溪將軍任河橋
放舟南上適近仁屠山長義可史君時可
沈君在焉時積雨初霽天氣晏溫晴山野
水豁然快人心目時可忽袖出簫管度一
曲以鳴羣公皆為擊節嘆賞義可且倚曲
而歌乃呼酒引杯以酌舟行數十里其音

止而復作諸公懽甚亦皆從而和之移宮
換羽曾不知日之將夕而舟已入溪上矣
噫人生貴在適意富貴逼人其如我何遂
援筆賦詩以發諸公一笑

放舟南去入桃源溪上持杯日已曛檀板驚飛沙渚
鷺玉簫吹裂洞橋雲晴光潑眼春無限淑氣蒸人酒
半醺客底情懷要陶寫能寬禮數右將軍

早春即事簡王舜賓

湖山面面畫屏開獨凭朱闌亦快哉夜雨洗殘千嶂
雪曉風落盡一庭梅園林未社先飛燕岩谷初春已

動雷寄語騎驢先詩客及時追賞莫裴回

借韻自述

江湖流浪幾餘年
彈缺高歌興浩然
愛酒不知身是客
苦吟直欲骨通仙
林間一笑留清話
石上三生契夙緣
幾欲題詩報珠玉
兩簷無便寄鸞牋

簡危檢討太朴翁書贈史文可所寄東湖圖

卷後

話別東瀛一歲寬
臨風幾度問平安
舊游山水成圖玩
近作文章入史看
夜直檢書開石室
早朝視草上金鑾
相思知在青雲表
萬里徒憐臂不翰

懷樊寓齋

蓬萊樊子風流客，幾度湖山共曉昏。
芍藥欄邊春秉燭，櫻桃徑裏晚移尊。
仙房點易朱猶濕，溪舍譚經席未溫。
聞說此時纔病起，滿腔幽思與誰論。

挽楷不模上人

方外風流僅此翁，吟詩酌酒幾年同。
交深每愛身逾健，別後誰知病已攻。
洞口雲愁重閣暝，山頭月落小房空。
客鄉回首知音少，無復湖邊理短篷。

挽金君茂

湖山獨步占先春，特繼家聲衆所尊。
深夜挑燈勤教

子暮年扶策苦膺門履聲不聽過鄰曲筆札時看落
淚痕獨念羈孤居嶺海遠聞哀訃合消寬

挽韓天錫代沈生作

客居同巷又同袍疋馬紅塵幾憚勞曉整簿書趨幙
府夜分燈火教兒曹閉門寂寂人何在鄰笛脩脩月
正高旅櫬明朝歸故里重山複水恨迢迢

雪中二首

舊衾如鐵布履履僵臥袁安一腐儒粉黛從渠歌煖
帳孝廉還自出窮廬定知來歲勝常歲莫笑今吾猶
故吾豐兆果能如衆望獨貧忍凍亦良圖

衮衮隨風整復斜倚闌堪賞亦堪嗟
洒來茅屋愁成淚飄入珠簾
着作花破綠浪中知釣艇裏青烟處是
農家閉門盡日無人到自汲寒泉夜煮茶

雪意

雲黯江頭凍不飛六花欲下更遲疑
鷺鴻作陣婦蘆浦寒雀成羣聚竹籬
破履正憐東郭老淺斟擬醉覺家兒
天公欲報豐年瑞猶在商量未定時

雪中有感

陽和曾未到天涯萬木千林已着花
遍野頓驚蝗入地捐牕猶聽蟹行沙
寒衣如鐵應多客暖帳銷金有

幾家莫謂豐年佳兆好旗亭今日酒難賒

梅影

一剪橫斜清更瘦半歌闌檻半亭臺試憑妙手描難
就漫遣蒼頭掃不聞幾度隴雲遮欲滅一輪溪月送
還來欲邀逋老花前醉直恐驚蛇落酒杯

葡萄月

清光到處已瀟灑偏向葡萄更可憐萬顆明珠方枥
露一輪寶鑑正當天蒼龍夜靜掀髯舞玉兔秋深抱
影眠最好今宵涼似水不妨呼酒醉庭前

望鴈不至

倚倦江樓十二闌，征鴻杳杳又空還。
愁添昨夜夢中，夢目斷夕陽山外。
山片影定，應離楚塞，一聲猶未度。
蕭關尺書到手，知何日，回首西風鬢易斑。

詠金溪流水

一泓壓倒百川流，名價誰如此地優。
皎似銀河低映月，活如玉井靜涵秋。
晴沙爍爍斜陽岸，淺浪粼粼白鷺洲。
最好夜來晴雪漲，順風吹落釣魚舟。

新塘

半依城郭半通村，僦得葦房自不羣。
高士過門來問道，故人借榻欲論文。
漁家燈影臨流見，僧寺鐘聲隔

岸聞入夏晚涼如散步河橋風月與君分

代范師明壽祖

滿捧金杯緩調歌
孫兒端拜受恩多
蘭階徐步親推乃
抱芸閣專師久琢磨
夜月娟娟陰髻皓
春風拂拂醉顏酡
畫堂今日群英會
此樂人間更有麼

代父求老人帛

丹詔頒恩下九天
老身欣躍夜無眠
尚思慈母生來日
肯信傭書減却年
黃絹不教寒士得
白頭空負聖君憐
反經合道知誰在
千載今逢大尹賢

代何生和櫟杜

羨公湖海久馳轂才思清高過長鄉行處曾瞻丹鳳
采閑中擬結白鷗盟芹宮講習深儒術櫟社栖遲倦
客情我欲題詩追韻武頻呵凍筆寫難成

謝古鼎銘上人送過青山嶺

人物蕭然異衆流踏蘆歸後興偏幽不知送客行過
嶺多說看書懶下樓滄海龍吟明月夜青山鶴唳白
雲秋相尋幾度還相見無負十年湖上游

謝金子文惠竹布及端硯

嶺客傳歸姓字香喜君年少獨鷹揚何勞海國書頻
寄猶見燈窓意不忘鴝鵒眼圓端石貴篔簹絲細夏

衣涼謝懷何日能傾倒應待錦衣歸故鄉

謝樊天民先生朱以仁先生謝德清見訪併

述懷

詩思蹉跎四十餘未窮經業鬢先疎歸來自愧窮途
客枉顧多勞長者車荷葉池塘疎雨歇榴花庭院晚
晴初吟懷浩蕩憑誰遣幾向東家借蹇驢

校藝面渡錢唐喜晴與莫倫亦分時字韻

一笑錢唐賦式微回頭風景自相宜兩餘沙軟馬行
疾風定潮平舟渡遲萬疊樓臺吳岸曲一汀烟草粵
江湄客程不是歸程好應是天公相我時

罷舉有感

昔聞龍馬出人間，藉此詩書化百蠻。
萬文奎光難久晦，四時天運有循環。
秦經滅盡今還在，桑硯磨穿未肯閑。
寄語吳剛休伐桂，一枝留取我來攀。

簡仲容范君到鄰館考閏法稽古字併約登

蔡峯

公始泛湖從此住，我慙泊渚尚忘歸。
尋常自覺聞名熟，咫尺誰憐會面稀。
字問揚雄通籀篆，數傳周髀妙璣璣。
何當擺脫塵寰事，千仞崗頭一振衣。

過湖山舊館

三年朋舊半飄零，獨抱瑤琴過竹扃。
幽草自依庭砌綠，好山還傍客簷青。
主翁剪燭開佳宴，學子磨鉛了舊經。
乘興而來乘興去，舟行十里酒初醒。

張性成爭住紫虛觀

道人自是讀書身，曳月簪星迥出塵。
當路每多青眼客，倚門猶有白頭親。
夜扶玉局歸朝斗，秋泛靈槎去問津。
山上嵐陰風掃退，滿庭依舊碧桃春。

心隱半閑借訪不容少，留而後聞醉於鄰家。
因戲簡之

漁村十里雪初消，聯騎西窓慰寂寥。
病後正須情款

款興殘忽爾袂飄飄我憐交久愁輕別客厭家真恠
苦邀搔首柴門還自咲炎涼只隔小河橋

辭書舍別後復見招

丁丑六月十二日諸生以循俗居室廢學
因告旋不數日乃父叔過家復見請遂以

詩謝之

七載交情淡若初急流不退復何如蓬窓一別興將
盡葦戶重尋意有餘燈火喜看兒女共杖藜唯覺友
朋踈山中萬一如相問謂掃秋堂自讀書

謁梅坡翁不值後見答遂謝之

不到滄洲半載餘，重來無處謁仙逋。
短籬曲徑依山轉，古木低簷傍水居。
童厭路遙行欲返，鄰驚面熟笑還呼。
此時一見應傾倒，不道翻勞長者車。

酒邊呈史信叟賀遷居

每笑儒冠誤少年，歸來自草卜居篇。
詩章雅淡陶元亮，人物風流李謫仙。
酒遇知心寧論斗，琴因識趣不彈絃。
余生素有停雲意，自恨相逢在客邊。

宿禪寂寺別鐵心堅上人

風景幽竒即虎溪，何年開此一招提。
老禪獨坐心如鐵，游客相邀醉似泥。
拂石和雲眠壠北，探梅踏月過

簞西蕭然襟度清如許別後何時手共携

哀張景陽升

光陰七十醉中過落魄誰知兩鬢皤
夢斷床頭無宿酒魂歸墻下有行窩
家貧執紼朋來少寺遠憑棺女哭多
唯幸子能知古道尚題經論上紅羅

呈鄆縣和尚監

西風匹馬過東瀛政令如雷百里驚
海角喜回生意早邑中爭說長官清
農歸綠野春耕煖犬卧花村月正明
一室絃歌今有託松陰何幸及儒生
呈錢可竹請兩有感

東湖不雨已兼月夏五田苗尚未栽正此焦熬千里
共忽看恩澤九天來破荒冉冉回生意入夜沉沉不
動雷曉看竹窓分潤色老翁不覺咲顏開

浙東帥幕石蘭谷微都事

德重才高世所稀謀謨直欲並臯夔古來人物中原
冠天下文章內翰奇監事平生心似水憂民近日鬢
成絲馬蹄到處棠陰滿會看朝廷作羽儀

左元帥除禮部尚書二首

文武兼資命世才臨軒授鉞下蓬萊蒼生政僕為霖
雨紫極先推踐斗魁百萬貔貅嚴外間三千禮樂藹

容臺明年史重春官選舉秀興廉賴鑒裁

東浙元戎素有聲生平志節抱忠貞班行早已居清
要禮樂行將佐太平旗拂海雲風正烈馬嘶山月曉
初晴日邊若會危夫子謂我年來白髮生

董副使元帥

文武兼資將相儔分符萬里下瀛洲禮加群彥招徠
盛德洽諸軍撫字周燬鋸烏臺無滯意運儲鯨海有
良籌他時敷奏功多少殊寵當看報冕旒

鄭以文至

故交落落似晨星獨喜重來話舊情辛苦共憐生丙

午聾牙爭咲讀盤庚童年學舍疑相與歲晚湖山似
有盟幾度相逢還草草一樽何日共君傾

楚堂太守

忠孝傳家世所難甘棠遺愛滿人間平生報國寸心
赤近日憂民雙鬢斑潭府高居清似水海城孤立倚
如山餽生斗米如容乞歸去慈親咲滿顏

書林外集卷之五

書林外集卷之六

歌行

布衣歌

布衣麤着幾重市酒薄飲數鍾人生未必能終窮男
兒四方志浩氣吞長虹我家頗讀書初非田舍公羽我
生頗解事初非市井童奮業起儒素為官世不空貴
雖不及位三公緋衣紫綬還重重富雖不及食千鍾
重茵列鼎曾雍雍胡為乎我年過半百貧病交相攻
固知造物作兒戲造物未信肯負吾胸中君不見孔
明在草廬當時三顧稱卧龍伊尹在莘野三聘不起

書林外集卷六
一
為老農我思古人尚顯晦今人豈得無窮通嗚呼薄
市酒飢可充粗布衣寒可縫待時待時勿忽忽我髮
未盡白我顏今尚紅太平有日終復見皇猷黼黻須
吾儂

金景淵祈雨止風有驗

圓穹碧飛輪赤狂飈三日怒不息高田低田盡龜拆
人人望霓不可得一時天地忽變色纖塵不動萬籟
寂虛空若然轟霹靂立見雨陣山頭黑明日偃禾重
藪藪老農借問誰之力東湖道人玄機術

和姑惡二首

君不見思蜀之魄形於聲怨齊之冤何由平信知蟲
鳥適變化一如有抑皆為鳴姑惡姑惡爾鳴非爾長
乃姑之惡何其揚惟聞孝義動天地未見貞烈愁風
霜我欲語汝緣理微物如有靈還自知子為父隱乃
為直惡聲可出吾閨闈爾姑知此良自覺不用水村
鳴嗶嗶但使責己無責人應解覺今而悔昨

漁村地僻人無聲菰蒲漠漠烟水平我來一舸泊幽
渚俄聞姑惡爭哀鳴誰家逆婦談短長紛紛聚首相
抑揚身披野草鬣昏霧頭埋踈整粘清霜足脩頸短
形更微出沒恍惚人莫知信乎此態近妖幻爾姑安

肯留庭闈蓬窻月冷驚夢覺欹枕厭聽聲啞啞汝應
求直許吾人不知婦姑之分有隱無犯今猶昨

浙東副帥郭公命和北儒王祥麟詩韻

君不見子儀昔日游帝鄉尺書一上驚漢皇相期重
以股肱寄凌烟繪像烜五章又不見知建當時破突
厥力鬪汗血揮流漿蒼髯如蚪口如虎威聲果毅聞
朔方公家大族皆將相富貴未艾今猶將蚤歲曾聞
入銓署論事獨許升公堂三載分符護闕下慎固封
守安邦疆竭來東浙鎮藩閩萬人觀陣如堵墻民情
愛似三冬日更瞻驚如六月霜堅持正論有灼見大

明公燭無私光倭舶東來古所患群虺搔首爭惶惶
獨持節鉞下蛟島不煩片語提其綱旌旄一見衆懼
伏珎竒畢獻無纖藏信知胸中有兵甲豈在騎卒徒
奔忙海邦雞犬賴寧謐仰如陰谷迎朝陽嘉謀善政
出古道佇看獻納朝明堂萬里何來老詩客笑投珠
玉爭稱揚愧余才薄踵韻武詠嘆不覺言之長

賀東湖錢可竹禱雨有感

十日不晴民怨咨十日不雨民傷悲天公尚不滿人
意况欲人事無參差錢君至誠天所知幾回禱雨常
應期纖纖素髮半垂領為衆力扣山中祠山中有龍

言本外集卷六
三
宅嶮熾支節不憚衝炎曦歸來祀事每精潔辦香散
作雲垂垂綠章未徹人方疑虎關飛檄召雨師滄溟
顛倒入雲漢造化元氣何淋漓轟霆倏起風忽吹枯
田忽見成陂池信知此雨在何方有感必應非天私
稿苗已見成長茂焦穗忽得生華滋村南村北咲相
賀老穉不復憂流離凝香燕寢隨所宜竹窓坐看開
愁眉莫言此乃偶然爾功歸自有天所禪君不見江
北高壘得雨遲秧針在田猶未移又不見溪南已種
懼旱久深畷久已成茅茨吾鄉此雨猶及時靈物自
為公先施稻未怒長勝常歲秋來當續豐年詩

簡嶺南兄要其歸

君不見黃蘆塞外群飛鴻
聯行列序聲嗷嗷
年年秋南復春北
往來有約無西東
又不見黃雲城頭雙慈
鳥吞飢俛啄唯哺雛
一朝雛長鳥倦飛
附雛反哺如其初
吁嗟二物有如此
人靈萬物將何如
我兄讀書若明理
此意此懷知久矣
奚為一旦事遠圖
渭陽一去忘其餘
固知愛義遠及外
無乃反使親成踈
憶兄去秋辭故園
西風拂袖登南船
匆匆別親慘復語
歸期約我當今年
今年故園秋復去
不見行人見行路
青山山下幾黃昏
朝來暮往人如故
我兄獨在天一

涯鱗鴻杳杳歸無期明珠在側人共惜孰肯萬里輕
別離固知人情有如此柰我親老何如爾矧今愁女
顏愈衰頭顱無髮口無齒兄子兄子胡不歸菽水之
奉都幾時黃金他日不可鑄八珍九鼎將何為吾家
斗粟猶可舂吾家尺布猶可縫何當歸學老萊子綵
衣一咲天下同

遊東湖醉中歌

青山偃蹇不可呼我行春山如畫圖蕩舟春波並山
去青山盡處橫陂湖周湖一百二十里湖波極處山
孤起下臨滄海上青天南有浮屠抱山址事幽興集

天風來乘風便欲歸蓬萊憂長未釋天地隘眼闊稍
覺心顏開酒酣重踏孤舟散此興平生浩難遏橫山
西去復清溝屠蘇巧構林巖幽園翁剪花春在手蟠
迴石磴窮雕鏤興盡歸來月猶在盤礴解裝春愛愛
呼童置酒復徘徊明月清風如有待臨水軒窓次第
開玉山自倒非人推吁嗟勞生快意少故園茅屋今
蒼苔明朝陰晴未可必攜手重遊定何日借我仙人
九節筇直欲柱上太白峯頭立

題王子良畫龍虎

葉公龍非公虎窟落聲華動今古生絹一幅價千金

餘者紛紛無足數爵溪王君人中英寫龍寫虎尤兼
能高堂幾度看揮掃脩脩筆底風雲生龍子龍子爾
勿為點睛虎子虎子爾勿為添翼點睛猶自飛入雲
添翼那堪恣凶逆人間正此畏橫行若使能飛人掃
跡

送方潤齋之龍泉尉

皇家用賢急治效度德量才隨所造上有善政追華
勛下無遺民老耕釣方君家住東海濱髯鬚蒼蒼一
雄鷲平生志畧敵千人曾與顛崖除惡少朝廷賜爵
嘉乃功俾尉龍泉禦強魏飄然別我上征鞍意氣揚

揚擁前導信知功高受厚賞世間庸懦誰能到聞風
已覺奸膽傾况爾躬行宣所勞會看堂前射鴨晝且
閑籬根卧犬夜無盜此時奚啻百里安直使威名靜
邊徼

二月十五日呈郡監

五雲日出扶桑東翠瀛浩蕩浮層空神仙跨鰲擬岱
嶽青陽倒景凌閭風玄鶴翔空玉芝秀翠松珠露光
玲瓏結霞攬霧爛丹碧居然縹緲神仙宮上有長年
老仙客鬢華點雪顏如童食霞嗽液葆神氣脩真寡
慾登玄功少年折桂廣寒府至今滿袖天香濃清名

不欲競塵世駕言樵隱山之中玉皇香案侍來久仁
風惠雨涵心曾下念蒼生受苦辛暫煩出守淹飛熊
冰壺玉衡秋皎皎金章紫綬春融融十洲三島足行
樂雙旌五馬時從容中和節前紱麟日瑤池水煖蟠
桃紅晝錦橋西公館靜五更瑞氣何葱葱白鹿群趨
附瑤席雪衣爭放開金籠鯨生候賀立參曉扣門莫
敢驚周公野芹欲獻苦不得歸來白首搔飛蓬夜深
露香拜庭廡捧手加額祈蒼穹願公之壽絳宮紫闕
霜髯翁願公之貴玉堂金馬祿萬鍾願公之福庇我
寒士如厦屋之幘幪更須借寇匆匆生待黎庶歌

時雍親承堯舜垂拱居九重

長相思

長相思長相思故人去後來何時臨別含悽不能語
夕陽回首情依依雲帆一去烟水遠風塵萬里音書
稀歸來小齋清晝寂唯見君詩留素壁有時魂夢夜
相尋_{夢醒空}憑梁月白吁嗟余生豈無友友其德者
今其誰驕者誇詐柔者隨辟者不直佞者欺紛紛市
道交歲寒誰與期惟君毓秀出中原故家奕葉皆臯
夔祥麟威鳳不常有卓犖自是人中竒粹乎其容春
可掬淵乎其量世莫窺天生德性美如玉溫然而潤

生光輝我聞十五已志學讀書三冬不下帷駸駸二
十多銳氣揮毫落紙皆妍辭錢塘八月領鄉薦經窮
比興分毫釐文衡忽迷日五色掉頭不復踐場屋學
書善譯國語字煉丹妙得仙家術西湖勝槩圖畫開
呼朋載酒湖上來長堤看盡蘇公柳短簡詠絕逋仙
梅丞相南來覽才後僧省要歸作同印戊瓜未熟入
樞垣撥務便宜頻顧問篋中疊損斑斕衣孤懷日夜
思庭闈黃閣苦留不可得官印便解金纒蟲豸渡江歸
來三相宅喜見阿親頭未白新承帝命陟元戎誰復
更捧毛義檄撫青松坐白石洒掃秋堂作書室春風

里巷忽相過一見懽然兩相得結交彼此兩忘年把
臂綢繆話平昔我家更在鄞水西深村古木茅簷齊
相尋幾度不憚遠馬蹄滑滑沾春泥公孫故態清如
許酷愛吟詩如老杜長篇短章時寫懷憂國此心良
獨苦藹然忠義散言辭信乃胸中多抱負一字推敲
苟未安直遣書童走風雨明年招我訓阿兒隔牆燈
火聲吾伊高堂奉懽有餘日出入更約同襟期甬東
之東廿里餘別有一湖開畫圖蕩舟春波並山去邀
我浩歌相與娛相與娛歌之為何如千金子萬金湖
地靈人傑古所無船頭高掛酒一壺船中與我同觀

書山可鋤水可漁明日與君同卜居白雲深處結茅
廬浮雲富貴非吾徒此時不必邀名譽我歌曲未終
月出東山東洗盞邀更酌掛席從長風此樂不再得
此意誰復識由茲三載間交權日復日愈久愈不
同權亦同戚一朝椿庭俄有疾愀然告我面無色藥
總三月不解夜夜拜七星眠滿膝窮醫竭禱不復膳
枕塊席苫終夜泣食焉而糜衣焉而衰喪祭別有祖
風在尚使我輩擗節古制從特宜百責叢一身朝夕
唯論思扶桑出郊必問禁孝感解使時官慈憐君十
載多悲懽歷觀制行難追攀嗟今之人豈復有疑君

直在顏閔間顧我閉門久却掃見君高情絕傾倒人
生契合信有緣但恨相逢苦不早况今顏髮吾未衰
相望各在天一涯那似昌黎與東野雲龍上下相逐
飛

和友人寓懷二首

青田一鶴仙骨輕昂昂引頸脩如瑩曠望天路萬里
程時向九臯鳴一聲秋風吹長羽翮生冲霄直上朝
陽明下念隣雞喔喔啼荒域此時那得同其情

老生居貧百念輕朋來有酒傾玉瑩讀書但學宋與
程不在虎榜爭蜚聲鬢邊近欲華髮生苦恨一絰猶

未明故人太半筮仕游帝城緘題寄我難為情

和蓬隱翁

我生碌碌無足竒讀書十載貧與羸憂民未得為國
醫飄泊湖海年寔衰歸來托館聊栖遲荷君兄弟青
眼垂意氣豈特淪膚肌直是陂度茫無涯鷓鴣儘喜
栖一枝春風笑語揚鬚眉座中紛紛事如絲小撓未
足嗔細兒所期德性循天尋邇來僅以狸伏獅廣文
催我車載脂不意又換枰上棊我交平日君素知爾
孫稍長須追隨餘需造謁聲所私別懷耿耿且吞阿
戎前日詩

青山祈雨行

東鄴六月天不雨，黎庶遑遑愁下土。公田龜拆私田
枯，一線河流成斥鹵。金公學究玄中玄，志在輔化憂
元元。心涵太極有神妙，法由道祖傳先天。揮金買香
建壇域，赤心不畏陽。驕赫飛符走檄，鞭潛龍布令揚。
威驅蜥蜴，手握干將。指顧中行雲滿目，騰太空須臾。
迅雷掣火電，頃刻霈雨飄。陰風天瓢傾瀉，田疇足老
穉。歌謠懽比屋，江河蕩蕩水行舟。禾黍離離秋滿簇，
吁嗟法術世莫同。斡旋自是由其衷，大旱如斯不得
濟。信知造化精神通，嗚呼金公之賢有如問。傳說隱

德韜光在巖穴願從明時作甘霖普為四海蒼生拯
飢渴

和大章雪裏送詩

山翁卧雪寒且飢敲門有客來送詩之中一字煮不
得妻兒爭怒吾獨竒閑枯素壁時一見恍若此老
來茅茨洛陽賢令久難見剡溪故人多別離寒
窓得此真自慰絕勝贈我珠與璣呼童索筆退
和欲走謝天陰地遠出入愁無驢

無題二首

山中有客來訪我麗豪踞我高堂坐劇談健舌

若懸河應變自為無不可我方正襟居座側冷看
不語竟終席彼得自恣且歡回旁人咲我何其訥
含容巽順士所竒頴顏對折真小兒吁嗟唾面自
乾不可得待汝十年履歷當自知

月湖：上王侯宅公子新開讀書室爐香深院小
窓前一樹長松一竒石松偃蹇石竒削鬱：烟霞
太古色曉分清影入簷楹夜送幽香浮几格恍疑
一朵孤雲根飛伴蒼龍夜虛寂虬枝深護蘚痕
斑岩姿遠帶嵐光碧客來憑闌作幽玩公子掩
書成太息但恐龍化松兮虎化石駕霧噓風動寒

沉山中之跡不可以久得

勉諸生夜讀呈東屏陳架閣

金風撼鳴蓮塘溽暑遁去來新涼虫聲入戶月清苦
攬衣獨坐心迴徨諸生讀書在少年不學終面墻
聖經賢傳梁斯世言金薤岳琳琅立身當盡忠與
孝所學要見行與歲馬牛襟裾世所鄙昌黎此語針
膏肓君家自是閱種華編錦軸堆滿床過遲諫有
遺訓學詩學禮毋怠荒師勞功半我豈願汝則努力
須自強寸陰可憐復可惜莫遺東烏西兔徒奔忙
書林外集卷之六

書林外集卷之七

絕句

題寒江獨釣圖

堪笑江湖築釣徒朝來相喚暮相呼
祇今風雪蒙頭處回首煙波一箇無

題王蘅阜像

雙瞳直視毛髮豎岸憤烏巾無一語
三年不見忽已蒼海上應知作詩苦

題水西軒和府推何德孚韻

積雨荒池水欲平軒牕長夏有餘清
吟餘一枕滄浪

夢卧聽風荷愛雨聲

和危檢討太朴題紫清觀韻與僧果春林學子

正張元相同賦

太平天子有門生
購史來游古鄴城
曲岸晚涼清可
愛畫船撐傍藕花行

題寒江漁叟

隔岸疎林何歷歷
滿空飛雪正漫漫
老翁欲理絲綸
事猶向江湖守歲寒

和袁太初先生游寶華寺韻

丈室蕭然斗一方
梅花為帳竹為床
山僧睡起無餘

事自向晴簷割蜜房

和卓宜之問恙

病夫自為吟詩瘦猶得吟詩遣
病懷隔竹隣翁知我意
雨欄分韻到茅齋

和樊天民見寄

山徑春深花亂落
野堂晝靜燕頻來
老翁一曲瑤琴罷
竹外柴扉手自開

上胡路教

白髮青衫老校官
客邊風雨小樓寒
阿戎喜脫風塵出
千里區區為奉歡

上陳達卿架閣

金猊香透小窓紗
蓮幕歸來日未斜
掩却竹扉清晝
靜呼童汲水更澆花

過高錢山有感

瀛海塚頭生宿草
半閑堂上耿孤燈
一年二老忽成
夢獨客重來恨不勝

過李氏墳

艤棹尋幽綠水村
夕陽林下謫僊墳
呼童掃石坐來
久風颭殘花滿酒樽

簡陳達卿照磨九首

碧藕花開人未歸
小窓細雨欲生泥
想應來徃清江
曲日役千夫正築堤

黃堂不是乏同僚
元帥遊才重見褒
况是憂民心更
切櫛風沐雨肯辭勞

萬民鼓譟裂江雲
鯢吼鯨犇避芥斤
想見潮頭低數
尺不須強弩水犀軍

斷木為龍赴九淵
江頭亂石萬羊眠
馮夷擊鼓天妃
笑自有神人助着鞭

落盡寒潮日欲西
杵歌一曲萬聲齊
何時海上風波
息留取枯椿宿鷺栖

沙頭人散白鷗飛
尊酒江樓月上時
應有軍中老吟
帥胡床相對坐
論詩

才多遇事不辭難
十日曾無一日閑
欲竭忠誠報明

主不知兩鬢獨先斑

鄮縣先生文冠世
雄藩掾史筆凌雲
我公高論曾驚
座風月當時許
共分

江岸功成斷可書
佇看螭首植龜跗
考工一記誰當
續周禮曾聞出
漢儒

再用前韻九首

梅雨初晴客乍歸
征衣曾未洗春泥
錦帆又望潮頭

去還到梅江百步堤

同心同德羨群僚子愛斯民衆所褒
截斷江頭三十里一絲農力不曾勞

錦箋飛墜爛如雲絕勝黃金賜百斤
清詞遠過庾開府妙翰不減王右軍
海門黑蛟躍深淵倦日高樓听雨眠
明日鳩工江上去寄言陽石莫停鞭

曉來送目小樓西萬箇長松水面齊
憶得故林明月夜幾番空誤鶴歸栖

紅中人散綠林衰漸覺河清海晏時
府幕歸來應有

暇西窓剪燭共談詩

窓下賢郎共曉昏弟兄總角似機雲過庭近喜聞詩
禮頗覺工夫長數分

世遇知音古所難筆端風月未應閑山林館閣無心
處管豹曾窺露一斑

兵革經年欲廢書書生猶坐覺僧跏待看老將功成
日依舊岩廊復用儒

寄柯儼思制中遷居

經年不見柯君子聞說移居過五臺讀禮終終須讀
易此時月桂正應開

雨中遣懷

雲壓低簷雨未收
隔林猶聽叫鉤輶
詩翁慣作天涯
客滴碎空階不解愁

喜胡生歸

鄰童帶雨登城久
濯足溪頭歸尚遲
客子欲知家信
急自扶瘦杖出疎籬

和羣牧分郡叙別思為題蕭山驛呈許尹四首

諸公萍水相逢處
萬里風雲濬會時
別後一心唯報
國區區此外復何思

乾坤萬里春回日
海外嵐陰欲霽時
三十七人分郡

去梅花驛路耿余思

月桂曾攀第一枝英才何幸際明時讀書欲濟斯民
念三十年前已措思

疋馬西風入帝畿商家正待作霖時九天披覩龍顏
後慰我黎民久渴思

聞劉子彞鄭以文倚樓看海棠

一錢自古誇劉寵三絕從來說鄭虔想得二公今日
醉盡樓吟倚對花仙

譚錢輔三

五十駸駸髮欲華鷄鳴睡起即持家曉來雨過湖山

下自向東園學種瓜

游寶華

寶華風景盡難成
殿閣一層高一層
老翁未到足先
倦輸與往來行脚僧

與殷尚德舍人索墨

曉窓自笑一寒儒
貪寫新詩點墨無
却有東鄰賁公
子客卿直欲潑雲烏

客中

愁雲簷外曉漫漫
近晚寒威轉覺嚴
寄語西風還見
念客衣着盡更無添

懷舊館

花邊樽俎人初醉
柳外秋千日未斜
記得去年為客處
秋瓜巷裏翰林家

新塘書舍寄友

舍前舍後皆春水
橋北橋南賣酒家
有客不來春自老
小窓開盡碧桃花

贈香山蔡元會

竹杖芒鞋一老翁
千岩萬壑在胸中
平生足跡半天下
疑是當年太史公

東湖夜歸

淅淅湖天日正平
滄波不動謾揚舲
歸來不覺黃昏
後回首漁燈兩岸星

贊雙松圖

長松一樹挿天高
一樹擎雲舞翠梢
疑是老龍才奮
起回頭引子上青霄

簡倚雲樓先生

爐香深院小窻紗
一架薔薇月影斜
賓主數杯微醉
後呼童洗鼎試新茶

社日

簫鼓闐闐受昨餘
長衫紫領競喧呼
兒童應笑村田

樂好繪東鄞擊壤圖

夏日山居

疎簾拂拂颺南薰
睡起茶春隔岸聞
蚕老已收松上雪
麥黃初漲壠頭雲

丙戌六月廿四日夜夢楷不模

不見模翁近十年
夢中談笑尚依然
分明記得生前事
許我僧樓理簡編

晚涼

晚涼移步柳堤邊
瀟瀟湖天月正圓
長嘯一聲驚白鷺
等閑飛過釣魚船

甲午七月廿二日忽坐後聞彈鶴

鶴立高枝暫爾安無情蕩子彈金丸老來還有冲霄志莫作投林倦翮看

暮秋

倚杖西風漸斷腸蕭蕭木葉滿林塘
可怜宋厯寒窓下猶有黃花傲曉霜

冬日山行

布鞵青鞋自在身短筇徐步出柴門
隴頭為問梅花訊回首漢橋月已昏

暮雨

山北寒雲去復還黃昏院落雨珊珊數聲捎入芭蕉
上不道愁人獨倚闌

夏雲

火傘幾重張碧漢竒峯萬疊蔽殘陽等閑送出西山
雨分得南窓一夜涼

新秋

瑟瑟秋聲滿竹齋無邊風雨惱孤懷庭梧極解知時
節一葉先飄隊玉塔

夜坐

山翁兀兀澹無為獨向燈窓夜課詩漸覺青氈寒似

水不知孤枕已眠遲

愛日

紅日三竿破曉陰忽疑青色滿

光移鏡閣重重

錦影弄書窓寸寸金

秋旱

皎皎驕陽輾太虛秋來不雨

餘木龍護得西疇

水捲却河流一線如

秋紅

彩紅遙映夕陽明萬里僊橋頃刻成造化無端逞妖
氣半江殘雨半江晴

七夕

女牛相望隔銀河此日佳期果有無事誤使人間爭乞巧不知巧與拙為奴

秋容

萬頃湖天澄似鏡一痕山月巧如眉芙蓉面面西風裏淡抹濃粧總自宜

喜雨

一雨千金未足酬沛然甘澤遍西疇會看萬畝黃雲熟處處田家樂有秋

秋鷺鷥

落盡荷衣獨可憐
數聲相叫夕陽邊
翩然羽翼渾如
雪飛下沙頭破暝煙

歸鴈

江上斜陽淡欲無
翩翩欲下更相呼
數行飛入蘆花
宿了却瀟湘一畫圖

歸燕

西風吹影過天涯
不憚迢迢去路賒
畫棟一身終是
客烏衣千里却為家

鱸

紫鱗朱鬣漾漣漪
暮浦秋風漸欲肥
遙憶故園鮮鱸

美可慚千里一官微

螢燈

草根帶雨明還滅
竹外隨風去復回
不過當時車武子
誰能囊却案頭來

土牛

丹青頭角獨崢嶸
下立城衢寸步慳
牧守一鞭歸去後
不知春已滿人間

秃筆

掃過千軍力漸無
中書翻作不中書
盡將精銳從頭用
老去誰知忽見疎

磨劍

歲來寶匣幾經秋，土暈銅花氣燄收。
悍石淬鋒銛似水，潛驚姦胆獨先愁。

東津橋

一橋橫截大江東，水上遙看踣玉虹。
莫笑與波同上下，立名只在濟人功。

天封塔

鄮城有塔插天高，吟倚闌干四望遙。
臺閣層層平步上，不知身已在青霄。

鎮明嶺

一嶺陂陀鎮四明無山無水自天成遙看來往登瀛
客渾在金鰲背上行

牧童

岸岸西風青草黃倒騎牛脊共相忘生來可識人間
事一笛頻吹送夕陽

凌霄花

瘦藤借花老松邊共歷星霜幾歲寒直欲日邊開數
朶萬花俱向下風看

蠟梅

幽谷佳人越樣粧蕭然半額點輕黃寒窓獨立無情

緒金瓜織織解麕囊

槐花

畫影沉沉雨乍收
深黃淺碧映書眸
西風古道馬蹄疾
正是才人得意秋

蘭花張以中同知索

獨抱幽貞異衆芳
時人不佩我何傷
正當紅紫紛紛日
却向山林靜自香

孤梅

玉骨冰肌迥不羣
羅浮山下幾黃昏
應時桃李知誰在
月冷霜清欲斷魂

橙

金丸萬顆乍經霜
摘取雕盤助玉觴
笑看吳姬輕剖
處滿身香露
襲衣裳

瑞香

亭亭翠傘影婆娑
不倩春風簇錦窠
萬斛幽香惱吟
思詩成不讓老東坡

愛菊

金相玉潤頗關情
解印歸來眼獨青
貪向花前頻酌
酒不知摘盡滿天星

木犀

每憐丹桂共秋風
艷色清香頗亦同
若使塵根堪改
易芳名應得在蟾宮

蓮房

西風落盡半池蓮
蜂去房空獨不憐
何目同根不同
實料知雨露亦應偏

雞冠花

昂昂絳幘染猩紅
翠葉蓬鬆羽翼同
窓下不能啼
落月籬根空訝闌西風

茨

茨實初肥葉半枯
呼童摘取薦芳壺
却疑清淺池塘

裏還有鮫人夜泣珠

蘭水仙梅竹

志趣幽閑節操堅
半依山谷半林泉
憑誰為語脩花
史題品應湏作四賢

水仙

醉闌月落金杯側
舞倦風翻翠袖長
相對了無塵俗
態麻姑曾約過潯陽

詠枯椿鳳仙花為王致和真人兼呈危檢討
幽花倒影水中央
何處飛來鳳一雙
不向虞廷聽韶
樂却同宿鷺立枯椿

詞

壽范竹友老鄉長

滿庭芳

淇澳風清渭川月朗此時天產耆英蒼蒼標格挺出
白雲層最好堅心勁節傲多少桃李虛情人都道孫
枝子葉早已肖龍形長春曾不老襟懷一片玉立
冰清喜七賢六逸總是交朋試聽鏗金戛玉玉堂上
壓倒梅兄君知否平安信好永耐歲寒盟

壽倚雲樓公

瑞鶴仙

綠陰深院宇正簾捲華堂午風清暑榴花紅半吐記
僊翁此夕城南別墅酒朋詩侶共歡宴瑤池容與笑

橫空老鶴飛來還入五雲深處
念此閑情如許別
後蓬萊迥隔風雨冰純翠縷終不似舊眉嫵自胸中
溫養金丹樂事莫負花前尊俎最堪歡滿眼兒孫綵
衣戲舞

壽朶羅五元帥

滿庭芳

菊後秋深梅邊春近江天積雨初晴日湖南畔光現
老人星盡道元戎公相今朝裏福壽相仍當華誕黃
麻詔下萬里被恩榮
生來真活佛心田一片寬厚
和平好賢哉橋梓雍肅家庭願我寒欄書客經年裏
眼特垂青情懽慶新詞一曲把酒祝長生

餞帥闡張仲淵外郎

八聲甘州

先福建帥府出海捕寇收功

又西風吹動塞雲飛碧天倚清秋擁長亭祖席斜陽
旗影楓葉江頭贊畫雄藩三載蓮幕更風流愧我黃
塵客拂袂從遊記取環峯亭下問元戎戰艦巧運
機籌共輕裘緩帶坐看嶂煙收念平生稜稜英氣稱
沙堤近侍驟驂騶須知道月明千里人在瀛洲

餞李州判為鄞縣監病假攝政歸

青玉案

江城十月春猶小問解印何須早鄞水長官清健了
爭如歸去長汀風月依舊平分好 謫僊襟度人間

少留借無緣意頻悄近
未崇陰猶草草會看他日腰
金衣紫五馬來蓬島

贈張居仁獲賊有功賜三界巡檢

清平樂

鰲波萬里群盜如蜂起擒却四凶天使喜特命
一官入仕 世家元在堯裔少年膽氣橫秋自
此將軍一步會看談笑封侯

陳架閣家盆藕間歲復開

賀新郎

淡月黃昏裏粉墻陰盆池漾綠藕花初吐悄似飛來
雙屬玉風動翩翩素羽謾引得人人爭覩拍手闌干
驚欲起帳然並立長凝竚思往事意客與 當年妙

選登蓮署正花開邀朋醉賞尚留佳句
蔽白妝香今六載還我風流檢府最好
水姿清楚一點炎塵曾不染縱盤根錯
節仍如許花為我笑無語

書林外集跋

書林外集七卷朱氏潛采堂舊寫本目錄後有竹垞手跋云書林外集鄞人袁彥章士元所著彥章宋忠臣鏞之孫元至正間以薦授翰林國史院檢校官引年不就按鄞縣志士元德祐忠臣鏞之孫性至孝隱居不仕御史奧林薦授縣教諭調鄞山書院山長危參政太樸表爲平江路學教授擢翰林國史院檢閱官不赴築城西別墅自號菊村學者竹垞語蓋本此其集罕見四庫未收阮文達亦未進呈惟嘉慶本天一閣書目載正統三年鄞人陳敬宗刊本亦已殘缺

茲獨完善乃亟為影行從此天壤間又多存元人集
一種戊午五月無錫孫毓修跋